

*Zavod zdravstvenog osiguranja i reosiguranja
Federacije Bosne i Hercegovine
Sarajevo*

ODLUKA

***O FINANCIRANJU/SUFINANCIRANJU ODNOSNO NAKNADI TROŠKOVA LIJEČENJA BMPO
(BIOMEDICINSKI POTPOMOĞNUTOM OPLODNJOM) I LIJEKOVA ZA STIMULACIJU
OVULACIJE, BEZ SAGLASNOSTI KOMISIJE ZA BMPO FEDERALNOG ZAVODA***

Sarajevo, oktobar 2024. godine

Na osnovu člana 104. Stav 1. al. 11. i 15. Zakona o zdravstvenom osiguranju ("Službene novine Federacije Bosne i Hercegovine", br. 30/97, 07/02, 70/08, 48/11, 36/18 i 61/22), člana 12. stav 1. alineja 14. Statuta Zavoda zdravstvenog osiguranja i reosiguranja Federacije Bosne i Hercegovine („Službene novine Federacije BiH”, broj:69/05) i čl.12. i 13. Pravilnika o obimu prava na biomedicinski potpomognutu oplodnju iz sredstava budžeta Federacije Bosne i Hercegovine, način formiranja cijene pojedinačnih postupaka biomedicinski potpomognute oplodnje, kriteriji i načini ugovaranja, kao i druga pitanja od značaja za provođenje biomedicinski potpomognute oplodnje („Službene novine Federacije BiH”, broj: 73/24), Upravni odbor Zavoda zdravstvenog osiguranja i reosiguranja Federacije Bosne i Hercegovine, na sjednici održanoj dan, 08.10.2024.godine, donosi

ODLUKU

O FINANCIRANJU/SUFINANCIRANJU ODNOSNO NAKNADI TROŠKOVA LIJEČENJA BMPO (BIOMEDICINSKI POTPOMOGNUTOM OPLODNJOM) I LIJEKOVA ZA STIMULACIJU OVULACIJE, BEZ SAGLASNOSTI KOMISIJE ZA BMPO FEDERALNOG ZAVODA

I- Osnovne odredbe

Član 1.

Ovom odlukom, utvrđuju se kriteriji/uslovi, obim način i postupak ostvarivanja prava na finansiranje/sufinansiranje odnosno naknadu troškova liječenja biomedicinski potpomognutom oplodnjom i lijekova za stimulaciju ovulacije (u daljem tekstu: finansiranje/sufinansiranje odnosno naknada troškova liječenja BMPO i lijekova za stimulaciju ovulacije) podnosiocu zahtjeva odnosno licu iz stava 2. ovog člana, a koja su liječena BMPO bez saglasnosti Komisije za BMPO Federalnog zavoda .

Pravo na dodjelu finansijskih sredstava za finansiranje/sufinansiranje odnosno naknadu troškova liječenja BMPO i lijekova za stimulaciju ovulacije, mogu ostvariti lica koja imaju status osiguranog lica kod nadležnog kantonalnog zavoda zdravstvenog osiguranja u Federaciji BiH odnosno osigurana lica u Federaciji BiH koja ispunjavaju uslove iz stava (1) člana 2. Pravilnika o obimu prava na biomedicinski potpomognutu oplodnju iz sredstava budžeta Federacije Bosne i Hercegovine, način formiranja cijene pojedinačnih postupaka biomedicinski potpomognute oplodnje, kriteriji i načini ugovaranja, kao i druga pitanja od značaja za provođenje biomedicinski potpomognute oplodnje (u daljem tekstu:Pravilnik o obimu prava na biomedicinski potpomognutu oplodnju) po kriterijima/uslovima, obimu načinu i postupku propisanim ovom odlukom.

Član 2.

Pod liječenjem biomedicinski potpomognutom oplodnjom iz prethodnog člana se, podrazumjeva liječenje precizirano odredbama Zakona o liječenju neplodnost biomedicinski potpomognutom oplodnjom („Službene novine Federacije BiH”, br.59/18 i 44/22) i odredbama Pravilnika o obimu prava na biomedicinski potpomognutu oplodnju.

Pod lijekovima za stimulaciju ovulacije iz prethodnog člana se, saglasno članu 8.stav 7.Pravilnika o obimu prava na biomedicinski potpomognutu oplodnju, podrazumjevaju generički lijekovi za stimulaciju ovulacije koji se koriste u BMPO koje je, odnosno čiju vrstu/listu, je utvrdila Komisija za primjenu postupaka BMPO Federalnog ministarstva zdravstva.(u daljem tekstu:lijekovi za stimulaciju ovulacije) .

Član 3.

Finansijska sredstva za finansiranje/sufinansiranje odnosno naknadu troškova liječenja BMPO i lijekova za stimulaciju ovulacije, se obezbjeđuju iz sredstava budžeta Federacije BiH.

II- Kriteriji/uslovi i obim za finansiranje/sufinansiranje odnosno naknadu troškova liječenja BMPO i lijekova za stimulaciju ovulacije te dokumentacija koja se dostavlja uz zahtjev

Član 4.

Finansiranje/sufinansiranje odnosno naknada troškova liječenja BMPO i lijekova za stimulaciju ovulacije se vrši:

- *za liječenje biomedicinski potpomognutom oplodnjom i vrstu generičkih lijekova za stimulaciju ovulacije navedene u članu 2.ove Odluke;*
- *na način da se troškovi liječenja BMPO i lijekova za stimulaciju ovulacije obračunavaju odvojeno od troškova pojedinačnih postupaka iz stava (4) člana 8. Pravilnika o obimu prava na biomedicinski potpomognutu oplodnju i*
- *po procentu finansiranja/sufinansiranja odnosno naknadi troškova saglasno čl. 7. i 8. Pravilnika o obimu prava na biomedicinski potpomognutu oplodnju odnosno procentu finansiranja/sufinansiranja utvrđenom u članu 5.ove Odluke.*

član 5.

Zavod zdravstvenog osiguranja i reosiguranja Federacije BiH će finansiranje/sufinansiranje odnosno naknadu troškova liječenja BMPO i lijekova za stimulaciju ovulacije, u procentu, kako je utvrđeno po pojedinoj vrsti postupka u članu 7. Pravilnika o obimu prava na biomedicinski potpomognutu oplodnju i to:

- *tri pokušaja intrauterine inseminacije, saglasno medicinskim indikacijama i smjernicama za liječenje u iznosu od 100% cijene utvrđene u Cjenovniku zdravstvenih usluga koje se financiraju sredstvima fonda solidarnosti (u daljnjem tekstu: Cjenovnik);*
- *pet pokušaja izvantjelesne oplodnje, i to:prvi pokušaj se financira u iznosu od 100% cijene utvrđene u Cjenovniku, svaki naredni pokušaj financira se u iznosu od 50% cijene utvrđene u Cjenovniku;*
- *pohranjivanje preostalih spolnih stanica, spolnih tkiva i zametaka financira se za kalendarsku godinu po pacijentu za svaki pokušaj za razdoblje pohrane i u iznosu od 100% cijene utvrđene u Cjenovniku, i to najviše pet godina;*
- *pohranjivanje spolnih stanica, spolnih tkiva i zametaka u slučajevima kada postoji opasnost od neplodnosti (onkofertilitet i druga oboljenja) financira se po pacijentu za razdoblje pohrane u iznosu od 100% cijene utvrđene u Cjenovniku, i to do navršene 42. godine života (žena), odnosno do navršenih 50 godina života (muškarac) u skladu sa članom 51. Zakona.*

Član 6.

Zavod zdravstvenog osiguranja i reosiguranja Federacije BiH će financirati/sufinancirati odnosno naknaditi troškove liječenja BMPO po cijenama, saglasno važećem Cjenovniku zdravstvenih usluga koje se financiraju sredstvima fonda federalne solidarnosti.

Zavod zdravstvenog osiguranja i reosiguranja Federacije BiH će financirati/sufinancirati odnosno naknaditi troškove za lijekove za stimulaciju ovulacije koji su registrovani do iznosa maksimalne

veleprodajne cijene lijeka koju je utvrdila Agencija za lijekove i medicinska sredstva BiH, uvećane za maloprodajnu maržu i PDV.

Zavod zdravstvenog osiguranja i reosiguranja Federacije BiH će financirati/sufinancirati odnosno naknaditi troškove za lijekove za stimulaciju ovulacije koji su neregistrovani do iznosa koji se nalazi na originalnom fiskalnom računu apoteke o kupovini/nabavci lijeka.

Zavod zdravstvenog osiguranja i reosiguranja Federacije BiH će izuzetno, financirati/sufinancirati odnosno naknaditi troškove za lijekove za stimulaciju ovulacije koji su neregistrovani, do iznosa maksimalne veleprodajne cijene lijeka koju je utvrdila Agencija za lijekove i medicinska sredstva BiH, uvećane za maloprodajnu maržu i PDV, u slučaju kada postoje registrovani lijekovi, a koji su generička paralela ili biosimilar istog kvalitativnog i kvantitativnog sastava i djelovanja.

Član 7.

Saglasno članu 12. Pravilnika o obimu prava na biomedicinski potpomognutu oplodnju lica/podnosioci zahtjeva koja su liječena BMPO bez prethodne saglasnosti Komisije za BMPO Federalnog zavoda nemaju prava na nadoknadu troškova liječenja iz sredstava budžeta Federacije BiH te nemaju pravo ni na dodjelu finansijskih sredstava za finansiranje/sufinansiranje odnosno naknadu troškova liječenja BMPO i lijekova za stimulaciju ovulacije.

Izuzetno od prethodnog stava, a saglasno članu 13. Pravilnika o obimu prava na biomedicinski potpomognutu oplodnju, vezano za primjenu člana 11a. stav (2) Pravilnika o obimu prava na biomedicinski potpomognutu oplodnju iz sredstava budžeta Federacije Bosne i Hercegovine, način formiranja cijene pojedinačnih postupaka biomedicinski potpomognute oplodnje, kriteriji i načini ugovaranja, kao i druga pitanja od značaja za provođenje biomedicinski potpomognute oplodnje („Službene novine Federacije BiH“, broj:99/23) lica/podnosioci zahtjeva koja su liječena BMPO bez saglasnosti Komisije za BMPO Federalnog zavoda, imaju pravo na naknadu troškova iz sredstava budžeta Federacije i to naknadu troškova predmetnog liječenja, naknadu troškova za lijekove za stimulaciju ovulacije koji su registrovani i naknadu troškova za lijekove za stimulaciju ovulacije koji su neregistrovani, na način preciziran članom 6.ove Odluke, a sve pod uslovom da je liječenje biomedicinski potpomognutom oplodnjom izvršeno od 01.01.2023.godine do 16.06.2023.godine i da je od strane Komisije za BMPO Federalnog zavoda utvrđeno da se radi o liječenju biomedicinski potpomognutom oplodnjom i lijekovima za stimulaciju ovulacije za predmetno liječenje, koje se finansiraju iz sredstava budžeta Federacije,a sve u skladu sa raspoloživim sredstvima predviđenim Finansijskim planom Federalnog zavoda , za 2024.godinu.

Komisija za BMPO Federalnog zavoda, saglasno prethodnom stavu, utvrđuje u odnosu na podneseni zahtjev, odnosno u odnosu na liječenje i lijekove navedene u istom, da li se radi ili ne radi o liječenju biomedicinski potpomognutom oplodnjom i lijekovima za stimulaciju ovulacije za predmetno liječenje, koje se finansiraju iz sredstava budžeta Federacije Bosne i Hercegovine te navedeno konstatuje na posebnom obrascu - Potvrdi Komisije za BMPO Federalnog zavoda (Obrazac br. 2 - u prilogu) .

Izuzetno od prethodnog stava, pod uslovom da, u odnosu na podneseni zahtjev i priloženu dokumentaciju, zdravstvena usluga odnosno liječenje navedeno u istom, nije izvršeno od 01.01.2023.godine do 16.06.2023.godine, Komisija za BMPO Federalnog zavoda neće utvrđivati u odnosu na predmetno liječenje i lijekove navedene u istom, da li se radi ili ne radi o liječenju biomedicinski potpomognutom oplodnjom i lijekovima za stimulaciju ovulacije za predmetno liječenje, koje se finansiraju iz sredstava budžeta Federacije Bosne i Hercegovine .

Član 8.

Finansiranje/sufinansiranje odnosno naknada troškova liječenja BMPO i lijekova za stimulaciju ovulacije finansirati/sufinansirati će se odnosno naknaditi pod uslovom da lice navedeno u članu 1.stav 2. ove Odluke, uz ispunjavanje i ostalih uslova propisanih ovom Odlukom, uz svoj „Zahtjev za finansiranje/sufinansiranje odnosno naknada troškova liječenja BMPO i lijekova za stimulaciju ovulacije“ (Obrazac br. 1 - u prilogu), priloži:

- Medicinsku dokumentaciju iz koje proizilazi da se radi o liječenju biomedicinski potpomognutom oplodnjom preciziranim odredbama Zakona o liječenju neplodnost biomedicinski potpomognutom oplodnjom i odredbama Pravilnika o obimu prava na biomedicinski potpomognutu oplodnju (za zahtjev koji se odnosi na troškove liječenja BMPO);
- Medicinsku dokumentaciju iz koje proizilazi da se radi o lijekovima za stimulaciju ovulacije za predmetno liječenje odnosno medicinsku dokumentaciju na osnovu koje je ordinirano korištenje lijeka/lijekova za stimulaciju ovulacije odnosno kojom se potvrđuje neophodnost primjene lijeka/lijekova za stimulaciju ovulacije (za zahtjev koji se odnosi na troškove lijekova za stimulaciju ovulacije);
- Otpusnicu iz zdravstvene ustanove u kojoj je obavljeno liječenje biomedicinski potpomognutom oplodnjom, a ukoliko se radi o zdravstvenoj ustanovi iz inostranstva u kojoj je obavljeno liječenje biomedicinski potpomognutom oplodnjom, otpusnicu - original i prevod na jedan od službenih jezika koji je u primjeni u Federaciji BiH, ovjeren od strane ovlaštenog sudskog tumača (za zahtjev koji se odnosi na troškove liječenja BMPO);
- Original račun zdravstvene ustanove u kojoj je pružena zdravstvena usluga biomedicinski potpomognutom oplodnjom sa kopijom dokaza o izvršenom plaćanju - virman swift potvrda i dr. (za zahtjev koji se odnosi na troškove liječenja BMPO);
- Original fiskalni račun apoteke u kojoj je izvršena nabavka/kupovina lijeka/lijekova za stimulaciju ovulacije (za zahtjev koji se odnosi na troškove lijekova za stimulaciju ovulacije) i
- Broj transakcijskog računa otvoren kod banke (za zahtjev koji se odnosi na troškove liječenja BMPO i na troškove lijekova za stimulaciju ovulacije).

Potvrda Komisije za BMPO Federalnog zavoda (Obrazac br. 2) iz člana 7. stava 3. ove Odluke će se uložiti u predmet podnosioca zahtjeva.

III - Način i postupak po zahtjevu lica za finansiranje/sufinansiranje odnosno naknadu troškova liječenja BMPO i lijekova za stimulaciju ovulacije.

Član 9.

Zahtjev iz člana 8. stav 1. ove odluke (u daljem tekstu: zahtjev) se podnosi Zavodu zdravstvenog osiguranja i reosiguranja Federacije Bosne i Hercegovine.

Podnosilac zahtjeva je obavezan uz zahtjev odnosno Obrazac br. 1 priložiti akte/dokumente iz člana 8. stav 1. alineja jedan, dva, tri, četiri, pet i šest ove odluke, a zavisno od toga da li se zahtjev odnosi i na troškove liječenja BMPO i na troškove lijekova za stimulaciju ovulacije (akti/dokumenti iz alineje 1.-6.) ili se odnosi samo na troškove liječenja BMPO (akti/dokumenti iz alineje 1., 3., 4. i 6.) ili samo na troškove lijekova za stimulaciju ovulacije (akti/dokumenti iz alineje 2., 5. i 6.) .

Član 10.

U okviru provođenja postupka po zahtjevu, razmatra se zahtjev u pogledu formalno pravne ispravnosti, a u skladu sa ovom Odlukom.

Ukoliko zahtjev sadrži formalne nedostatke ili je nepotpun, podnosiocu zahtjeva se ostavlja rok od 10 (deset) dana da ove nedostatke otkloni.

Postupanje po zahtjevu iz st. 1. i 2. ovog člana kao i cjelokupni postupak se provodi saglasno odredbama Zakona o upravnom postupku („Službene novine Federacije BiH”, br.2/98, 48/99 i 61/22).

Član 11.

Direktor Zavoda zdravstvenog osiguranja i reosiguranja Federacije Bosne i Hercegovine rješava zahtjev iz ove odluke na način i u skladu sa odredbama Zakona o upravnom postupku.

Protiv rješenja direktora, osigurano lice ima pravo podnijeti žalbu Federalnom ministarstvu zdravstva u roku od 15 dana od dana prijema prvostepenog rješenja.

Član 12.

Žalba se neposredno predaje ili šalje poštom prvostepenom organu, koji je donio prvostepeno rješenje.

Prvostepeni i drugostepeni organ u postupku rješavanja po žalbi postupaju na način i u skladu sa odredbama Zakona o upravnom postupku.

Član 13.

Zavod zdravstvenog osiguranja i reosiguranja Federacije Bosne i Hercegovine vodit će evidenciju o broju primljenih zahtjeva, broju odbijenih zahtjeva i utrošenih sredstava po tom osnovu.

Sastavni dio ove odluke su Obrazac 1. i 2.:

- *Obrazac br. 1 - „ Zahtjev za finansiranje/sufinansiranje odnosno naknadu troškova liječenja BMPO i/ili lijekova za stimulaciju ovulacije , bez saglasnosti Komisije za BMPO Federalnog zavoda “.*
- *Obrazac br. 2 - „ Potvrda Komisije za BMPO Federalnog zavoda “.*

IV - Prelazne i završne odredbe

Član 14.

Ova Odluka se primjenjuje na zahtjeve za financiranje/sufinanciranje odnosno nadoknadu troškova troškova liječenja i troškova lijekova za BMPO:

- *koji su podneseni odnosno koji se odnose i za financiranje/sufinanciranje odnosno za nadoknadu troškova liječenja biomedicinski potpomognutom oplodnjom i za financiranje/sufinanciranje*

odnosno za nadoknadu troškova lijekova za stimulaciju ovulacije, za lica koja su liječena BMPO bez prethodne saglasnosti Komisije za BMPO Federalnog zavoda;

- koji su podneseni odnosno koji se odnose za financiranje/sufinanciranje odnosno za nadoknadu troškova liječenja biomedicinski potpomognutom oplodnjom, za lica koja su liječena BMPO bez prethodne saglasnosti Komisije za BMPO Federalnog zavoda i
- koji su podneseni odnosno koji se odnose za financiranje/sufinanciranje odnosno za nadoknadu troškova lijekova za stimulaciju ovulacije koji su korišteni za liječenje biomedicinski potpomognutom oplodnjom, koje je izvršeno od 01.01.2023.godine do 16.06.2023.godine, te koje je izvršeno i u drugim datumima/rokovima, za lica koja su liječena BMPO bez prethodne saglasnosti Komisije za BMPO Federalnog zavoda.

Saglasno članu 13. Pravilnika o obimu prava na biomedicinski potpomognutu oplodnju, rješavati će zahtjevi za naknadu troškova liječenja iz sredstava budžeta Federacije koji su podneseni Federalnom zavodu kao izuzeće od redovnog postupanja, do dana stupanja na snagu Pravilnika o obimu prava na biomedicinski potpomognutu oplodnju iz sredstava budžeta Federacije Bosne i Hercegovine, način formiranja cijene pojedinačnih postupaka biomedicinski potpomognute oplodnje, kriteriji i načini ugovaranja, kao i druga pitanja od značaja za provođenje biomedicinski potpomognute oplodnje („Službene novine Federacije BiH“, broj: 73/24), a na osnovu člana 11a. stav (2) Pravilnika o izmjeni i dopuni Pravilnika o obimu prava na biomedicinski potpomognutu oplodnju iz sredstava budžeta Federacije Bosne i Hercegovine, način formiranja cijene pojedinačnih postupaka biomedicinski potpomognute oplodnje, kriteriji i načini ugovaranja, kao i druga pitanja od značaja za provođenje biomedicinski potpomognute oplodnje („Službene novine Federacije BiH“, broj:99/23) i u skladu sa raspoloživim sredstvima predviđenim Finansijskim planom Federalnog zavoda, za 2024.godinu.

Za ostale zahtjeve koji su podneseni za financiranje/sufinanciranje odnosno nadoknadu troškova lijekova za stimulaciju ovulacije, a na koje se ne odnose alineja 1. i 3. stava 1. ovog člana odnosno za lica koja su liječena BMPO na osnovu saglasnosti Komisije za BMPO Federalnog zavoda primjenjuje se Odluka o financiranju/sufinanciranju troškova lijekova za stimulaciju ovulacije.

Član 15.

Danom stupanja na snagu ove Odluke prestaje da važi Odluka o financiranju/sufinanciranju odnosno naknadi troškova liječenja BMPO (biomedicinski potpomognutom oplodnjom) i lijekova za stimulaciju ovulacije, bez saglasnosti komisije za BMPO Federalnog zavoda broj:02/I-01-1-5835-1/23 od 28.12.2023.godine.

Član 16.

Ova Odluka stupa na snagu danom donošenja

Broj:02/I-01-1-4862-1/24
Sarajevo, 08.10.2024. godine


Predsjednica U.O.
Snežana Bodnaruk, dipl.iur

Obrazloženje

I-Pravni osnov

Pravni osnov za donošenje ove Odluke sadržan je u u odredbi člana 104. Zakona o zdravstvenom osiguranju te člamu 12. stav 1. alineja 14. Statuta Zavoda zdravstvenog osiguranja i reosiguranja Federacije Bosne i Hercegovine („Službene novine Federacije BiH“, broj:69/05) kojim je propisano da Upravni odbor Federalnog zavoda odlučuje o određenim pitanjima saglasno svojim nadležnostima te, između ostalog i „raspoređuje sredstva federalne solidarnosti po utvrđenim namjenama “ i „donosi druge akte neophodne za poslovanje federalnog fonda solidarnosti“ odnosno „vrši i druge poslove za koje je ovlašten zakonom, podzakonskim, općim i drugim aktima“.

Pravni osnov za donošenje ove Odluke sadržan je i u odredbi čl.12 i 13. Pravilnika o obimu prava na biomedicinski potpomognutu oplodnju („Službene novine Federacije BiH“, broj: 73/24) vezano za primjenu člana 11a. stav (2) Pravilnika o obimu prava na biomedicinski potpomognutu oplodnju iz sredstava budžeta Federacije Bosne i Hercegovine, način formiranja cijene pojedinačnih postupaka biomedicinski potpomognute oplodnje, kriteriji i načini ugovaranja, kao i druga pitanja od značaja za provođenje biomedicinski potpomognute oplodnje („Službene novine Federacije BiH“, broj:99/23), kojim je, između ostalog, propisano da lica/podnosioci zahtjeva koja su liječena BMPO bez saglasnosti Komisije za BMPO Federalnog zavoda nemaju prava na nadoknadu troškova liječenja iz sredstava budžeta Federacije BiH te nemaju pravo ni na dodjelu finansijskih sredstava za finansiranje/sufinansiranje odnosno naknadu troškova liječenja BMPO i lijekova za stimulaciju ovulacije (primjenjuje se na zahtjeve koji ne ispunjavaju uslove za primjenu izuzetka u odnosu na navedeno) te je propisan i izuzetak u odnosu na navedeno odnosno propisano je kada odnosno pod kojim uslovima lica/podnosioci zahtjeva koja su liječena BMPO bez saglasnosti Komisije za BMPO Federalnog zavoda, imaju pravo na naknadu troškova iz sredstava budžeta Federacije i to naknadu predmetnog liječenja, naknadiu troškova za lijekove za stimulaciju ovulacije koji su registrovani i naknadu troškova za lijekove za stimulaciju ovulacije koji su neregistrovani.

II- Razlozi donošenja

Osim što postoji pravni osnov za donošenje ove Odluke naveden kao u tački I ovog obrazloženja treba napomenuti da se kroz praksu postupanja po zahtjevima osiguranih lica u Federaciji BiH vezanih za finansiranje/sufinansiranje troškova koji se tiču pružanja zdravstvenih usluga te i troškova lijekova pa i predmetnih lijekova za stimulaciju ovulacije, ukazala potreba za jasnim i preciznim definisanjem kriterija, načina i postupka ostvarivanja prava na finansiranje/sufinansiranje troškova pruženih zdravstvenih usluga i nabavke lijekova te i lijekova za stimulaciju ovulacije, a saglasno pozitivnim propisima te se je iz tog razloga, donesena Odluka o financiranju/sufinanciranju troškova lijekova za stimulaciju ovulacije za lica koja su liječena BMPO na osnovu saglasnosti Komisije za BMPO Federalnog zavoda.

Iz istih razloga se donosi i ova Odluka koja se odnosi na slučajeve kada ne postoji saglasnosti Komisije za BMPO Federalnog zavoda, a što je u skladu i sa čl.12 i 13. Pravilnika o obimu prava na biomedicinski potpomognutu oplodnju a vezano za primjenu člana 11a. stav (2) Pravilnika o obimu prava na biomedicinski potpomognutu oplodnju;

Ovom Odlukom , potpomognutu oplodnju omogućava se podnosiocima zahtjeva pravo na naknadu troškova iz sredstava budžeta Federacije i to naknadu troškova predmetnog liječenja i naknadiu troškova za lijekove za stimulaciju ovulacije za predmetnu zdravstvenu uslugu koja je pružena u

vremenu nakon početka primjene pozitivnih propisa vezanih za BMPO ,a prije početka rada nadležnih Komisije za BMPO Federalnog zavoda (od 01.01.2023.godine do 16.06.2023.godine) , a uzimajući u obzir medicinsku potrebu za pruženom zdravstvenom uslugom BMPO u tom trenutku/vremenu, uzimajući u obzir ravnopravnost postupanja u odnosu na ostale pacijente kojima je plaćena ova usluga nakon dobijene saglasnosti , uzimajući u obzir da objektivno nije postojala njihova krivica u takvim slučajevima ,a u skladu sa raspoloživim sredstvima predviđenim Finansijskim planom Federalnog zavoda , za 2024.godinu

Kako je član 11a, stav (2) Pravilnika o obimu prava na biomedicinski potpomognutu oplodnju postavljen kumulativno,a radi ekonomičnosti postupanja odnosno da se ne bi bez potrebe dodatno opterećivala Komisija za BMPO Federalnog zavoda, u slučajevima kada se već ranije utvrdi da, zdravstvena usluga odnosno liječenje navedeno u istom, nije izvršeno od 01.01.2023.godine do 16.06.2023.godine, nije potrebno i da Komisija za BMPO Federalnog zavoda utvrđuje u odnosu na predmetno liječenje i lijekove navedene u istom da li se radi ili ne radi o predmetnom liječenju BMPO i predmetnim lijekovima za ovo liječenje, jer ranije ,već jedan, od potrebnih kumulativno postavljenih uslova nije ispunjen.Iz navedenih razloga preciziran je stav 4. člana 7. ove Odluke.

Takođe , obzirom da su kriteriji/uslovi, obim načinu i postupak propisanim ovom odlukom, za lica koja su liječena BMPO bez saglasnosti Komisije za BMPO Federalnog zavoda, drugačiji u odnosu na kriterije/uslove, obim način i postupak propisane Odlukom o financiranju/sufinanciranju troškova lijekova za stimulaciju ovulacije koja se, kako je ranije navedeno, odnosi na lica koja su liječena BMPO na osnovu saglasnosti Komisije za BMPO Federalnog zavoda, izvršena je , u prelaznim odredbama (član 14.) jasna distinkcija odnosno razlučivanje u kojim slučajevima se primjenjuje jedna odluka , a u kojim druga odluka.

Osim navedenog donošenjem ove odluke omogućeno je odgovarajuće rješavanje predmetnih zahtjeva i u slučajevima kada se isti (zahtjevi) prihvataju kao osnovani (da je predmetno liječenje izvršeno od 01.01.2023.godine do 16.06.2023.godine uz ostale propisane uslove) te i u slučajevima kada se isti odbijaju kao neosnovani (kada je predmetno liječenje izvršeno i u drugim datumima/rokovima od ranije navedenog, odnosno kada ne ispunjava ostale propisane uslove) te i kada se odbacuju kao neblagovremeni.

Takođe se donosi ova „nova“ Odluka o financiranju/sufinanciranju odnosno naknadi troškova liječenja BMPO (biomedicinski potpomognutom oplodnjom) i lijekova za stimulaciju ovulacije, bez saglasnosti komisije za BMPO Federalnog zavoda iz razloga usklađivanja sa novim Pravilnikom o obimu prava na biomedicinski potpomognutu oplodnju iz sredstava budžeta Federacije Bosne i Hercegovine, način formiranja cijene pojedinačnih postupaka biomedicinski potpomognute oplodnje, kriteriji i načini ugovaranja, kao i druga pitanja od značaja za provođenje biomedicinski potpomognute oplodnje („Službene novine Federacije BiH“, broj: 73/24) , te time i „stara“ Odluka o o financiranju/sufinanciranju odnosno naknadi troškova liječenja BMPO (biomedicinski potpomognutom oplodnjom) i lijekova za stimulaciju ovulacije, bez saglasnosti komisije za BMPO Federalnog zavoda prestaje da važi.

III- Obrazloženje pravnih rješenja

U poglavlju I ove Odluke - osnovne odredbe ,precizirano je da se ovom Odlukom utvrđuju kriteriji/uslovi, obim način i postupak ostvarivanja prava na finansiranje/sufinansiranje troškova liječenja biomedicinski potpomognutom oplodnjom i lijekova za stimulaciju ovulacije (u daljem tekstu: finansiranje/sufinansiranje odnosno naknadu troškova liječenja BMPO i lijekova za stimulaciju ovulacije) podnosiocu zahtjeva koji su liječeni BMPO bez saglasnosti Komisije za BMPO Federalnog zavoda te ko ima pravo dodjelu finansijskih sredstava za finansiranje/sufinansiranje odnosno naknadu navedenih troškova (član 1.) te šta se podrazumjeva pod liječenjem biomedicinski potpomognutom oplodnjom i pod lijekovima za stimulaciju ovulacije (član 2.) kao i na koji način se obezbjeđuju

Finansijska sredstva za finansiranje/sufinansiranje navedenih troškova (član 3.)

U poglavlju II ove Odluke precizirani su, kriteriji/uslovi i obim za finansiranje/sufinansiranje odnosno naknadu troškova liječenja BMPO i lijekova za stimulaciju ovulacije te dokumentacija koja se dostavlja uz zahtjev odnosno za koju vrstu liječenja BMPO i generičkih lijekova za stimulaciju ovulacije se vrši finansiranje/sufinansiranje troškova lijekova za stimulaciju ovulacije, na koji način se obračunavaju troškovi i po kojem procentu te po kojoj cijeni za liječenje BMPO, do kojeg iznosa za registrovane i neregistrovane lijekove (čl. 4. , 5. i 6.) Takođe u ovom poglavlju je precizirano ko nema pravo na nadoknadu troškova liječenja iz sredstava budžeta Federacije BiH te je i preciziran izuzetak u odnosu na navedeno kao i da Komisija za BMPO Federalnog zavoda utvrđuje da li se radi ili ne radi o navedenoj usluzi i lijekovima kao i izuzetak u odnosu na navedeno (član 7.) kao i pod kojim će se uslovima vršiti navedeno finansiranje/sufinansiranje odnosno navedena naknada troškova lijekova za stimulaciju ovulacije odnosno koju dokumentaciju treba priložiti (član 8.) .

U poglavlju III ove Odluke ,preciziran je način i postupak po zahtjevu lica za finansiranje/sufinansiranje odnosno naknadu troškova liječenja BMPO i lijekova za stimulaciju ovulacije, odnosno precizirano je kome se podnosi zahtjev, te je propisano koje akte je podnosilac zahtjeva obavezan priložiti, kako se razmatra zahtjev i kako se postupa sa istim ako ima formalne nedostatke ili je nepotpun te da se cjelokupni postupak po zahtjevu provodi saglasno odredbama Zakona o upravnom postupku (čl.9. i 10.), zatim ko rješava zahtjev , ko podnosi žalbu ,kome i u kom roku, kome se predaje žalba i kako se postupa sa istom (čl. 11. i 12.)ko vodi evidenciju o broju primljenih zahtjeva, broju odbijenih zahtjeva i utrošenih sredstava, po tom osnovu, kao i da su sastavni dio ove odluke Obrazac 1. i 2. (član 13).

U poglavlju IV ove Odluke precizirane su prelazne i završne odredbe, tj precizirano je na koje se zahtjeve ova Odluka primjenjuje te da se za ostale zahtjeve koji su podneseni za financiranje/sufinanciranje odnosno nadoknadu troškova lijekova za stimulaciju ovulacije, a na koje se ne odnose alineja 1. i 3. stava 1. člana 14. primjenjuje , Odluka o financiranju/sufinanciranju troškova lijekova za stimulaciju ovulacije te je precizirano da će se saglasno člamu 13. Pravilnika o obimu prava na biomedicinski potpomognutu oplodnju, rješavati zahtjevi za naknadu troškova liječenja iz sredstava budžeta Federacije koji su podneseni Federalnom zavodu kao izuzeće od redovnog postupanja , do dana stupanja na snagu Pravilnika o obimu prava na biomedicinski potpomognutu oplodnju .(član 14.) Takođe je u ovom poglavlju precizirano da danom stupanja na snagu ove Odluke prestaje da važi ranikja Odluka o financiranju/sufinanciranju odnosno naknadi troškova liječenja BMPO (biomedicinski potpomognutom oplodnjom) i lijekova za stimulaciju ovulacije, te je precizirano da ova Odluka stupa na snagu danom donošenja(čl. 15. i 16.)

IV Finansijska sredstva

Za realizaciju ove Odluke finansijska sredstva, se obezbjeđuju iz sredstava budžeta Federacije BiH.

ime i prezime podnosioca zahtjeva	
adresa	
JMBG	
broj telefona/fax-a/mob.	
elektronska pošta (mail)	
kontakt osoba	

**Zavod zdravstvenog osiguranja i reosiguranja Federacije Bosne i Hercegovine
Sarajevo Trg heroja br.14**

PREDMET: Zahtjev za finansiranje/sufinansiranje odnosno naknadu troškova liječenja BMPO i/ili lijekova za stimulaciju ovulacije, bez saglasnosti Komisije za BMPO Federalnog zavoda

Zahtjev se podnosi:

(1)	(2)
	za finansiranje/sufinansiranje odnosno naknadu troškova liječenja BMPO i lijekova za stimulaciju ovulacije (za lica koja su liječena BMPO bez saglasnosti Komisije za BMPO Federalnog zavoda) -prilažu se akti/dokumentacija iz tač. 1.-6.
	za finansiranje/sufinansiranje odnosno naknadu troškova liječenja BMPO (za lica koja su liječena BMPO bez saglasnosti Komisije za BMPO Federalnog zavoda) -prilažu se akti/dokumentacija iz tač. 1.,3.,4. i 6.
	za finansiranje/sufinansiranje lijekova za stimulaciju ovulacije ¹ (prilažu se akti/dokumentacija iz tač. 2.,5. i 6.)

(upisati X u kolonu (1) jednog od zahtjeva koji se podnosi)

Akti/dokumentacija koji se prilažu uz zahtjev su²³:

(1)	(2)
1.	Medicinska dokumentacija iz koje proizlazi da se radi o liječenju biomedicinski potpomognutom oplodnjom preciziranom odredbama Zakona o liječenju neplodnost biomedicinski potpomognutom oplodnjom i odredbama Pravilnika o obimu prava na biomedicinski potpomognutu oplodnju;
2.	Medicinska dokumentacija iz koje proizlazi da se radi o lijekovima za stimulaciju ovulacije za predmetno liječenje odnosno medicinsku dokumentaciju na osnovu koje je ordinirano korištenje lijeka/lijekova za stimulaciju ovulacije odnosno kojom se potvrđuje neophodnost primjene lijeka/lijekova za stimulaciju ovulacije;
3.	Otpusnica iz zdravstvene ustanove u kojoj je obavljeno liječenje biomedicinski potpomognutom oplodnjom, a ukoliko se radi o zdravstvenoj ustanovi iz inostranstva u kojoj je obavljeno liječenje biomedicinski potpomognutom oplodnjom, otpusnicu - original i prevod na jedan od službenih jezika koji je u primjeni u Federaciji BiH, ovjeren od strane ovlaštenog sudskog tumača;
4.	Original račun zdravstvene ustanove u kojoj je pružena zdravstvena usluga biomedicinski potpomognutom oplodnjom sa kopijom dokaza o izvršenom plaćanju (virman, swift potvrda i dr);
5.	Original fiskalni račun apoteke u kojoj je izvršena nabavka/kupovina lijeka/lijekova za stimulaciju ovulacije;
6.	Broj transakcijskog računa otvoren kod banke.

(zaokružiti u koloni (1) broj akta/dokumenta koji se prilaže uz zahtjev)

 mjesto i datum

 potpis podnosioca zahtjeva

LK. br. _____

¹ Lijekovi koji su korišteni za liječenje biomedicinski potpomognutom oplodnjom koje je izvršeno od 01.01.2023. godine do 16.06.2023. godine, te izvršeno i u drugim datumima/rokovima, a bez saglasnosti Komisije za BMPO Federalnog zavoda

² Dokumenti/akti pod tač. 1.,2.,3 i 6 prilažu se u originalu ili kopiji ovjerenoj od strane općinskog organa.

³ Dokumenti/akti pod tač. 4. (osim dokaza o izvršenom plaćanju koji se dostavljaju u kopiji) i 5. prilažu se u originalu.

Bosna i Hercegovina
FEDERACIJA BOSNE I HERCEGOVINE
Zavod zdravstvenog osiguranja i reosiguranja Federacije BiH
Komisija za BMPO Federalnog zavoda

Na osnovu člana 13. Pravilnika o obimu prava na biomedicinski potpomognutu oplodnju iz sredstava budžeta Federacije Bosne i Hercegovine, način formiranja cijene pojedinačnih postupaka biomedicinski potpomognute oplodnje, kriteriji i načini ugovaranja, kao i druga pitanja od značaja za provođenje biomedicinski potpomognute oplodnje („Službene novine Federacije BiH“, broj: 73/24), a vezano za podneseni Zahtjev podnosioca zahtjeva od _____,

koji se odnosi na:

(1)	(2)
	finansiranje/sufinansiranje odnosno naknadu troškova liječenja BMPO i lijekova za stimulaciju ovulacije (za lica koja su liječena BMPO bez saglasnosti Komisije za BMPO Federalnog zavoda)
	finansiranje/sufinansiranje odnosno naknadu troškova liječenja BMPO (za lica koja su liječena BMPO bez saglasnosti Komisije za BMPO Federalnog zavoda)
	finansiranje/sufinansiranje lijekova za stimulaciju ovulacije ¹

(upisati x u kolonu (1) jednog od zahtjeva koji se podnosi)

Komisija za BMPO Federalnog zavoda, donosi

P O T V R D U

**o finansiranju/sufinansiranju odnosno naknadi troškova liječenja BMPO
i/ili lijekova za stimulaciju ovulacije**

U postupku provedenom kod Komisije za BMPO Federalnog zavoda, vezano za liječenje biomedicinski potpomognutom oplodnjom i/ili lijekovima za stimulaciju ovulacije za predmetno liječenje, u odnosu na podneseni predmetni zahtjev i dokumentaciju priloženu uz isti, **utvrđeno je:**

Da se radi o liječenju biomedicinski potpomognutom oplodnjom, koje se finansira iz sredstava budžeta Federacije Bosne i Hercegovine za zdravstvene/u usluge/u:

	ŠIFRA	USLUGA BIOMEDICINSKI POTPOMOGNUTA OPLODNJA
(1)	(2)	(3)
	717101	Intrauterina inseminacija (IUI)
	717102	Stimulacija jajnika IVF (ultrazvučni pregledi ordiniranje terapije)
	717103	Punkcija i aspiracija IVF (punkcija, aspiracija i izolacija kumulsa sa analgosedacijom)
	717104	Kultivacija zametka IVF (u laboratorijskim uslovima do D3)
	717105	Kultivacija zametka IVF (u laboratorijskim uslovima do D5/6)
	717106	Embriotransfer svježi IVF
	717107	Kriopohrana zametka IVF (1 štapić)
	717108	Embriotransfer zamrznutog zametka IVF
	717109	Stimulacija jajnika ICSI (ultrazvučni pregledi ordiniranje terapije)
	717110	Punkcija i aspiracija ICSI (punkcija, aspiracija i izolacija kumulsa sa analgosedacijom)
	717111	Kultivacija zametka ICSI (u laboratorijskim uslovima do D3)
	717112	Kultivacija zametka ICSI (u laboratorijskim uslovima do D5/6)
	717113	Embriotransfer svježi ICSI
	717114	Kriopohrana zametka ICSI (1 štapić)
	717115	Embriotransfer zamrznutog zametka ICSI
	717116	Stimulacija jajnika IVF (ultrazvučni pregledi ordiniranje terapije)
	717117	Punkcija i aspiracija IVF (punkcija, aspiracija i izolacija kumulsa sa analgosedacijom)
	717118	Kultivacija zametka IVF (u laboratorijskim uslovima do D3)
	717119	Kultivacija zametka IVF (u laboratorijskim uslovima do D5/6)
	717120	Embriotransfer svježi IVF

¹ lijekovi koji su korišteni za liječenje biomedicinski potpomognutom oplodnjom koje je izvršeno od 01.01.2023.godine do 16.06.2023. godine, bez saglasnosti Komisije za BMPO Federalnog zavoda

USLUGA BIOMEDICINSKI POTPOMOGNUTA OPLODNJA		
(1)	ŠIFRA (2)	(3)
	717121	Kriopohrana zametka IVF (1 štapić)
	717122	Embriotransfer zamrznutog zametka IVF
	717123	Stimulacija jajnika ICSI (ultrazvučni pregledi ordiniranje terapije)
	717124	Punkcija i aspiracija ICSI (punkcija, aspiracija i izolacija kumulsa sa analgesijom)
	717125	Kultivacija zametka ICSI (u laboratorijskim uslovima do D3)
	717126	Kultivacija zametka ICSI (u laboratorijskim uslovima do D5/6)
	717127	Embriotransfer svježi ICSI
	717128	Kriopohrana zametka ICSI (1 štapić)
	717129	Embriotransfer zamrznutog zametka ICSI
	717130	Čuvanje zamrznutog biološkog materijala (spolnih ćelija, spolnih tkiva i zametaka) za jednu godinu
	717131	Pravno savjetovanje

(upisati X u kolonu (1) zdravstvene usluge koja se odnosi na zdravstvenu uslugu liječenja BMPO u odnosu na predmetni zahtjev)

Da se radi o lijekovima za stimulaciju ovulacije za predmetno liječenje, koje se finansiraju iz sredstava budžeta Federacije Bosne i Hercegovine i to za lijek/lijekove:

(1)	INN (2)	Jačina (3)	ATC (4)	Oblik (5)
	menotropin	75 i.j.	G03GA02	injekcija
	menotropin	75 i.j.	G03GA02	injekcija
	menotropin	75 i.j.	G03GA02	injekcija
	menotropin	150 i.j.	G03GA02	injekcija
	menotropin	150 i.j.	G03GA02	injekcija
	menotropin	150 i.j.	G03GA02	injekcija
	folitropin alfa	75i.j.	G03GA05	injekcija
	folitropin alfa	300i.j.	G03GA05	injekcija
	folitropin alfa	450i.j.	G03GA05	injekcija
	klomifen-citrat	50mg	G03GB02	tableta
	horigonadotropin alfa	0,25mg	G03GA08	injekcija
	cetroreliksa	0,25mg	H01CC02	injekcija
	triptorelinacetat	0,1 mg/ml	L02AE04	injekcija
	letrozol	2,5 mg	L02BG04	tableta
	folitropin beta	900i.j.	G03GA05	injekcija
	lutropin alfa	75i.j.	G03GA07	injekcija

(upisati X u kolonu (1) lijeka za stimulaciju ovulacije u odnosu na predmetni zahtjev)

- Lista/vrsta generičkih lijekova iz tabele se ažurira saglasno informacijam sa Internet stranice Federalnog ministarstva zdravstva.

Da se ne radi o liječenju biomedicinski potpomognutom oplodnjom koje se finansira iz sredstava budžeta Federacije Bosne i Hercegovine za zdravstvene/u usluge/u:

r.b.	Zdravstvena usluga

(upisati redni broj i zdravstvenu uslugu u odnosu na predmetni zahtjev)

Da se ne radi o lijekovima za stimulaciju ovulacije za predmetno liječenje, koje se finansiraju iz sredstava budžeta Federacije Bosne i Hercegovine i to za lijek/lijekove:

r.b.	Lijekovi

(upisati redni broj i lijek u odnosu na predmetni zahtjev)

Broj: _____
 Mjesto i datum: _____

Za Komisiju za BMPO

- Dostaviti
 - ZZO i R FBiH
 - U evidenciju Komisije za BMPO